

DISSERTATIO PHILOSOPHICA.

THEOREMATA

Nonnulla ex amplissimo Philosophiæ agro
deprompta, complectens.

QUAM

Deo opt. Max. benedicente, & amplissima Facultate Phi-
losophica in Universitate Regiâ quæ Aboæ
est, adprobante,

SUB PRÆSIDIO

Revenendi & Clarissimi VIRI

DN. M. PETRI ANDREÆ BERGII
Ebrææ & Græcæ ling. professoris ordinarij,
Præceptoris & fautoris sui jugiter
honorandi;

Pro Magisterij philosophici honoribus obtainendis placidae
philosophantium censuræ modestè submittit,

JONAS L. TORST NERICIENSIS, Alu. Reg.

Anni fluentis M DC LX VI. Die 13. Octob. loco huiusq;
confuetis.

ABOÆ,

Excusa à PETRO HANSONIO Acad Typ.

A B C E

PROOE MI U M.

MEmoriā temporum pri-
scorum replicanti atq; quæ-
renti cur veteres ijs desti-
tuti adjumentis ad conse-
quēdam eruditionem, quæ
hodiè nobis copiosè suppe-
tunt, nihilominus multis parasangis nos eru-
ditione superaverint? respondeo Adamum
protoplasmam post lamentabilem jacturam
integritatis ac felicitatis suæ, quam innocen-
ti creator infuderat, nobiles, principia o-
mnium artium, reliquias, secum è paradiso
extulisse & vicinis intulisse terris, poste-
risq; communicasse. Undè non est nata
seriùs philosophia quam homo, idemq; na-
tal is fuit hujus qui hominis primi. Inteme-
rata primum & sincera erat in tenera illa ac
sancta ætate; divina humanaq; æterna & ca-
duca rectè complexa, quæ in posteritatem
(homo si suâ non excidisset dignitate ac bea-
titudine) propagata fuisset, sapientemq; ge-
nerasset sapiens, & abiissent in natos cum
semine ac sanguine virtutes parentum; ast
nimis citò serenūm hoc mutatum est in tur-

bidum. Laboriosa & prudens nascitur Ara-
nea & texturam mortalium nulli imitabilem
facit. Certa è materia, certo in loco, in cer-
tam figuram disponunt aviculæ nidum suum.
Hæ artes nascuntur non discuntur. Homini
non competit illa promptitudo nam rudis o-
ritur & rerum ignarus est suarum; si autem
quid est quod natura dat, non dilucidum a-
ctutum satis est & expressum, quippè vita
nostra universa densa ruditatis caligine ob-
scurata est. In naturalibus miserè caligamus,
eheu in spiritualibus quasi mortui cæcutimus;
quod evidentè indicant clarissimorum viro-
rum lucubrationes & diversa eorum de re ea-
dem judicia confirmant, tot enim ubiq; scissæ
opiniones & sententiæ differentes oculis ob-
versantur nostris, ut dubitari non immerito
possit quis, vel quænam sententia verum pro-
ximus accedat, cuiq; adhærendum tutius in
philosophia. Illa quamvis naturæ nostræ cor-
ruptio, quemvis assiduum Musarum culto-
rem affligat, tamen inclytæ facultatis philo-
sophicæ iussu & mandato illo rigoroso priva-
to ac tripartito examine exacto, ut solverem
debitum, & quartum subirem examen ex
philosophia proplemata quædam cum Gene-
ralia tūm specialia selegi, in quibus me hâc vi-
ce exercere decrevi.

Annue

Annuet tu studijs, Christe benigne meus.

SECTIO PRIOR CONTINET THEOREMATA GENERALIA:

I. *Philosophia est habitus animi (aggregatus) artibus notionalibus, scientijs & prudentijs constans.*

διλογίς THEOREMATIS.

Consusio errorum mater est fæcundissima, ad quam statim in limine evitandam, secundum præcepta logicorum duo circa Theorema primum notanda. (1) ὀνοματολογία. (2) πραγματολογία. & ὀνοματολογιαν absolvunt. (1) Etymologia. Vox philosophiæ composita est ex duabus vocibus φιλίᾳ, amor, & σοφίᾳ sapientia. Ut secundum derivationem vocis sit nihil aliud philosophia quam amor sapientiæ & philosophus sapientiæ studiosus. (2) Homonymia. Vox illa sumitur strictè quando in Theoreticam vel practicam distinguitur: latè verò cum ejus complexu artes instrumentales & disciplinæ reales continentur, ut hoc loco. **B.** πραγματολογία exhibet essentiam definiti habitualiter hic considerati. Hæc licet definitio non absolutè perfecta sit, quæ speciebus competit substantiæ, naturam essentiamq; perfectam & unicam habentibus, suo tamen modo perfecta est cum partibus constet legitimis. Ejus genus οὐκεῖον & proprium, habitus animi nuncupatur, cum inhæreat subjecto ut accidens, &

crebris mentis operationibus comparetur. Omnis
bus quamvis hominibus cognoscendi sit insitus à
natura appetitus; actu tamen mortalium nullus
nascitur philosophus; sed cognitio rerum non si-
ne studio ac labore improbo acquiritur. Diffe-
rentia ejus specifica ex objecto, & materia circa
quam versatur philosophia desumpta est. Ut enim
omnis habitus per objectum suum proprium de-
finitur potissimum, ita etiam philosophia cuius ob-
jectum est, vel *Intentionale*, circa quod occupantur
omnes artes instrumentales, quæ reales propter
disciplinas expetuntur, & intellectum humanum
facilius ad acquirendam rerum cognitionem, diri-
gunt: vel *Reale* ubi duo sese offerunt, res scilicet ne-
cessariæ & contingentes; Illæ non pendent à no-
stro arbitrio, & in illarum cognitione sistitur no-
stra cognitio; Hæ pro arbitratu nostro possunt es-
se & non esse, undè in praxi ac prudenti actione
consistunt.

II. Prout philosophia definita est sic rectè di-
viditur in *Notionalem* & *Realem*.

ΣΥΓΓΡΑΦΗ THEOREMATIS.

Quamvis multi impugnant divisionem hanc, tam-
en cum viris doctissimis antiquis & recentioribus
placet, nec incommodi quidquam habere vide-
tur, eam retinere non dubitavi: Cui Savanaro-
la sententiæ astipulatur I: i. de scientiarum divi-
sionibus, ubi totam philosophiam dividit in re-
alem & rationalem: per illam intelligit o-
mnes

mnes reales disciplinas, quæ consistunt in rerum declaratione tam necessariarum quam contingentium; per hanc disciplinas instrumentales, quæ alias notionales dicuntur, propterea quod maxima ex parte circa secundas notiones versentur & non sui causa, sed propter reales disciplinas expectantur. Præterea ad confirmationem traditæ divisionis philosophiæ sic argumentor. Diversitas objecti parit diversitatem partium, atqui duplex est objectum Intentionale & Reale Philosophiæ: Ergo duæ etiam sunt partes philosophiæ Intentionalis videlicet & Realis. Major manifesta est nam ut unum proprium subjectum dat unitatem disciplinæ, ita sequitur ex diversitate objecti diversitas disciplinarum. Minorem tanquam veram omitto, ne actum agam, cum satis probata sit in superioribus. Deinde jure ire inficias neminem puto, qui sapientiæ est studiosus, artes notionales ad liberalem cognitionem referendas esse, cum obijciantur intellectui liberalioris cognitionis gratiâ.

III. Realis philosophia est Theoretica vel Practica.

παραφεσις THEOREMATIS.

Organicis ex adverso statuebantur disciplinæ reales, quæ speculatione rerum cognoscendarum intellectum, & vita inculpata voluntatem, secundum naturalem aptitudinem perficiunt: & sic vel circa rerum cognitionem versantur & dicuntur theoreticæ, vel cognitionem ad operandum dirigunt & practi-

ex nuncupantur. Unde inter se differunt. α . Subiecto. Illa facultatem animi intelligentem; Hæc potissimum appetentem perficit. β . Objecto. Illa verum considerat & circa necessarium ens occupatur; Hæc bonum spectat & circa contingens ens versatur. γ . Fine. Tām δ ; Illa ad cognitionem veri provehens, expellit inscitiam intellectus; Hæc actionem honesti inculcans, ejicit malitiam voluntatis: quam ϵ ; Illa res sibi subjectas circa quas versatur nos tantum intelligere docet; Hæc eas non duntaxat cognoscit, sed simul etiam ad ipsam nos actionem deducit.

IV. Discipline Theoretica numerantur quatuor, Metaphysica, Pneumatica, Physica, Mathesis.

THEOREMATICUS.

Metaphysica summum entis conceptum essentialiter universaliter cum ejus attributis & species analogas substantia scilicet & accidens considerat; ita ut subjectum ejus sit ens quatenus ens, quibus verbis uterq; conceptus tām materialis quām formalis exprimitur. *Pneumatica* spiritū, quatenus ejus cognitio lumine naturæ haberi potest, non duntaxat generaliter, quā ejus essentia in abstracto, citra finitatis & infinitatis mentionem, cognoscitur, ejusq; attributa spiritui infinito & finitis analogicè communia, secundum generales conceptus exponuntur: sed etiam specialiter, ubi spiritus distinguitur in infinitum seu Deum & finitum sive completum

pletum ut est Angelus, sive incompletum ut est anima rationalis. *Physica* corpus naturale quatenus tale est considerat, ejusq; causas, affectiones & species persequitur. *Mathesis* versatur circa quantitatem discretam & continuam, obstractam à substantia: quæ et si in materia existit, tamen in apprehensione mentis, sejungitur quasi à materia. Ex prælibatis tale resulat argumentum. Ubi dantur subjecta diversa & modus considerandi diversus, ibi dantur quoq; diversæ scientiæ, atq; in philosophia Theoretica dantur quadruplicia subjecta, quæ per modum considerandi & abstractionem quadruplicem distingvuntur. Ergo dantur scientiæ quatuor distinctæ. Major clara: quia diversa objecta, diversa cum abstractione distinctas constituant disciplinas. Minor constat ex præmissis.

*V. Philosophia practica complectitur Ethicam,
Politicam, oeconomicam.*

Επάλυσις THEOREMATIS.

Practica philosophia sic dicitur ab objecto, quiā circa τὰ σπαχτὰ i. e. actiones liberas quas secundum honesti & decori normam informat, versatur: ut homo summum bonum civile adipiscatur & benè beateq; in societate humana vivat, atq; appetitum in moderandis affectibus providum præmunitumq; faciat, nè turpiter vicius vitio succumbat. Unde non tantum cognitionem, ut disciplinæ speculativæ sed quam maximè actionem tanquam finem ultimum respiciunt: nunquam enim iustus

justus vocatur is, qui intelligit quod & quid sit iustitia, nisi ipse quoq; suas actiones ad res justè agendas prudenter dirigat. Dividitur hæc philosophiæ pars communiter in Ethicam, Politicam, & cononicam. Illa liberas hominis actiones in genere dirigit ejusq; animum per virtutes ad summum bonum consequendum informat, est norma morum, virtutum magistra, dux vitæ, actionum regula. Ista ad Rempublicam rectè constituendam & sapienter administrandam nos informat; omnibusq; ac singulis hominibus perutilis est: etenim & Reges & Principes & omnes in universum magistratus, simul ac omnium ordinum subditi, hic vident suum officium. Hec quæ ad rectè constituendam administrandamq; domum nos informat, est pars practicæ philosophiæ cum in exercitio virtutum, patrisfamilias, dominæ, servi, ancillæ & liberorum consistit, quod beatitudinem familiæ vocant.

SECTIO POSTERIOR CONTINET SPECIALIA THEOREMATA.

I. Pneumaticum.

Anima rationalis separata directè in pneumaticis consideratur.

ENΦρασις THEOREMATIS.

Animæ tractationem Scholastici ajunt referendam esse ad Physicam quod ea sit forma hominis,

Toletus

Toletus q. 2. procem. & Fr. Svarez Tom. 1. Met.
Disp. sect. 2. N. 12. seq. p. 12. Alij animadver-
tes Aristotelem interdum in *Metaphysicis* de anima ra-
tionali aliquid tradere, persuaserunt statim sibi ejus
abstractionem cum *Metaphysica* abstractione coinci-
dere, & animæ rationalis considerationem quatenus
separata est ad *Metaphysicam* propriè pertinere:
in quâ præter B. Scheiblerum lib. 2. Met. cap. 5. pag.
michi 223. alijs celeberrimi viri ac doctissimi ante &
post illum fuerunt sententia. Etsi multi ajunt a-
nimæ rationalis tractationem ad varias referendam
esse disciplinas, ego tamen illis ad stipulor qui ad
Pneumaticam eam spectare dicunt; Quia cedit sub
Pneumaticæ objectum tum materiale tum formale:
est enim spiritus, quia informat corpus & spiritua-
les edit operationes, quas à corpore ut tali non pos-
se fieri est meridiano sole clarus; & quidem in-
completus, non quasi aliqua ej pars desit, sed rati-
one compositi, cuius est pars essentialis & ad cuius
perfectionem naturaliter ordinatur: qui existere
potest à corpore separatus. Nam etsi anima una
cum corpore à parentibus propagatur, non tamen
à materia vel ex materia fieri potest. Hinc con-
cluditur animæ rationalis separatæ tractationem in
Physicis haud ritè institui, nam ut silentio involvam,
modus considerandi est alijs, qui restringit *Phy-*
sicam ut maneat in suis cancellulis. Nec bene susci-
pitur hæc doctrina in *Metaphysicis*: quia objecti *Me-*
taphysici generalitas nimis tum contrahitur. In *The-*
ologia agitur quidem de anima, sed sub alio for-
mali.

II. Physicum.

*Elementa sunt quatuor, Aér, Aqua, Terra,
Ignis.*

Διαστολής Φύσιος THEOREMATIS.

Quod concernit numerum Elementorum, variæ de eodem extant sententiæ Philosophorum, cum alij in excessu, in defectu alij peccent; Illi justo plura, Hi iuncto pauciora statuerunt Elementa, quorum sententiæ ab Aristotele, qui quaternarium eorum numerum probavit, nimirum Aërem, Aquam, Terram & Ignem, solidè sunt refutatæ; Cujus sententiam communiter ab omnibus fermè Philosophis nunc receptam amplector. Constituuntur enim mista ex quatuor istis Elementis & resolvuntur in eadem, confirmant qualitates eorum, nimirum calliditas, humilitas, frigiditas, siccitas, quæ mistis insunt; frustra ergo negant quæ sensus monstrat, ratio confirmat; nam corpus aliquod putredini expositum non abit in nihilum, sed calor pinguiores & aëreas partes primum resolvit, deinde liquidiores & aqueæ in vapores solvuntur, quibus segregatis pars crassior terram refens remanet.

III. Ethicum.

Temperantia præcipue modum gustus & talus observat.

Cum multi reperiuntur homines abjecti, helluones & comedones qui plus cibi & potus sumunt, quam naturæ satis est, corpusq; distendunt & vino corrumpunt, bestijs ipsis sunt deteriores, quarum multæ nulla vi cogi possunt ad sumendum cibum aut potum naturam obruentem: ideo nè quicquam appetamus libidinosè aut gulosè per veterem aut liguritionem quod rectæ rationi adversator; sed ut omnia dicente Cicerone, severè, sobriè parcè & rationi congruerter agamus. Temperantiam amplectemur, quæ est quasi Cynosura inordinatorum appetituum & censoria affectuum, cum flamas furentis appetitus superprimit, vitam castam & honestam reddit, & gustum tactumq; circa objecta moderatur sua. Gustum & tactum dico non quod alij sensus suis non delectentur objectis, sed quod per se in illis solum, in his per accidens versetur temperantia. Per se enim non versatur temperantia circa voluptates, quæ ex visu. auditu atq; odoratu percipiuntur: nisi consequenter aliquis in temperantiae leges, his quasi stimulis impingat. Præterea quamvis aliquis delectetur suavi odore rerum, interim tamen, uti canes non delectantur odoratu leporis propter odoratum, sed propter leporem, sic nos delectamur odore cibi & potus propter cibum & potum, ut Christ. Lieb. rectè differit.

IV. Grammaticum.

Puncta hebraeorum cum consonantibus coactanea sunt.

Traditio illa de additione punctorum à Rabbinis vel humana est & ita dubia & fallibilis, & sic fidem divinam fundare nequit. Vel Divina & infallibilis, & tum sequitur partem alteram verbi divini scripto traditam & consignatam fuisse divinitus; alteram verò & principalem, divina inspiratione traditam, & traditionis beneficio conservatam; eas deniq; junctas seculis demum posterioribus effecisse integrum Dei verbum; superioribus autem seculis Deum divinandam nobis tradidisse suam voluntatem, in verbis ambiguis latitantem, quod oppidò absurdum. Ex cel. Laurentius Fabricius in part. codicis Ebræi cap. 2. Eleganter & nervosè eandem sententiam multis & ponderosis oppugnat rationibus. Nulla inquit dictio integra constitui potest absq; vocalibus; ideo voeales vocibus sunt essentiales. Item: Si vocales arbitratu hominum vocibus serius sunt additæ, per 4000. annorum spatium scripturæ essentia non fuit integra. Item: Si vocalium notatio non exstitit, vocum significata & sententiarum verus sensus fuerunt ignorata. Item: Si vocalium notæ nuper inventæ, aut cum naturali vocum sono ubiq; convenient aut discrepant. Si convenient vocales extiterunt; si discrepant nos illa punctuatione non tenemur. Hæc & multa alia in loco sitato habentur. Concludit igitur author his verbis suum discursum: Mendax igitur Jesuitarum enunciatum est, posse dictiones Ebræas alijs atq; alijs sonis vocalium offici stantibus ijsdem consonis & sensu manente; nam sæpe eadem quoad literas vox, alijs atq; alijs affectu punctis, diversissima induit si-

gni

gnificata, & res maxime discrepantes notat. Deinde
de negatis punctis difficilimè Scripturæ S. perspicui-
tas defendi potest, & summa ejus inducitur obscuritas
adeò ut nec legi commodè nec intelligi possit. Tol-
litur etiam Scripturæ S. perfectio, quæ talis creden-
da, ut scripturæ nec addi nec quicquam adimi debe-
at, at si puncta à Rabbinis, adjecta sunt necessum
est sacræ S. aliquid accessisse, imò partem primariam:
& prius sacram S. fuisse valde imperfectam. Atq;
hæc sunt quæ ratione instituti de *Philosophia* in genere
& in specie excerpere hâc vice destinavi. Dispu-
tationem hâc devota δοξολογια concludo,

*Gloria sit Patri, sit nato Gloria Christo,
Spiritui sancto & Glorio sit Triadi.*



COROLLARIA

1. An Philosophia usum habeat aliquem in Theologia, ejusq; cognitio alijs inserviat facultatibus Jurisprudentiæ scilicet & Medicinæ? Aff: utrumq;
2. An Philosophiæ studiosus à sobria lectio-
ne librorum Gentilium sit prohibendus?
Neg:
3. Utrum consensus parentum sit necessari-
us ad matrimonium liberorum? Aff:

4. An detur summum bonum & num in virtuosa consistat actione? Aff: utrumq;
5. An Logica per artem recte definiatur? Aff:
-

Virtutum & artium liberalium studijs politissimum JUVENEM.

DN. JONAM LAURENTII Forst/
Nericiensem Acad. nostræ Civem & Philo-
sophiæ Candidatum Doctissimum, pro sum-
mis Philosophici studij honoribus di-
sputantem.

*H*ostibus in sylvas latatur victor abactis
Atq; litat patrio pinguia thura Deo.
*N*avita qui ventos & flumina transit alta,
In porta viridi carmina leta canit.
*S*ic quoq; qui mentis hostes prostravit acerbos,
Inscitiam & vitij cœtera monstra mali;
*L*atus ovat. sophici sic tu doctissime JONA
In cursu studij victor ovare potes.
*E*rgo tibi laudis constabit adorea magna
Et viridi lauro cinget Apollo comes.

Hoc schedialmate honorare voluit,

MARTINUS MILTHOPÆUS
Eloq. Prof, & F. Ph. Dec.